



Bosnia and Herzegovina
Federation of Bosnia and Herzegovina
BOSNIAN - PODRINJE CANTON GORAŽDE
MINISTRY OF INTERNAL AFFAIRS
POLICE ADMINISTRATION

Broj: 07/I-11-5492-7/24
Dana: 19.09.2024.godine

Na osnovu člana 22. Zakona o unutrašnjim poslovima („Službene novine Bosansko-podrinjskog kantona Goražde“, broj: 6/15) člana 70. Zakona o javnim nabavkama („Službeni glasnik BiH“, broj: 39/14, 59/22 i 50/24), a u skladu sa Zapisnikom o pregledu i ocjeni ponuda broj: 07/I-11-5492-6/24, od 05.09.2024.godine, policijski komesar Uprave policije u sastavu Ministarstva za unutrašnje poslove Bosansko-podrinjskog kantona Goražde, **d o n o s i:**

O D L U K U

o izboru najpovoljnijeg ponuđača za nabavku drona s termalnom kamerom i pratećom opremom

I

Prihvata se preporuka Komisije za javne nabavke data u Zapisniku o pregledu i ocjeni ponuda broj 07/I-11-5492-6/24 od 05.09.2024. godine, da se zaključi ugovor sa ponuđačem „Drinex“ d.o.o Goražde, ulica Ibra Čelika 18, 73000 Goražde, sa ukupno ponuđenom cijenom od 8.547,00 KM bez PDV-a i 9.999,99 KM sa PDV-om .

II

Izabrani ponuđač iz tačke I ove Odluke dužan je dostaviti ugovornom organu u roku od pet dana od dana zaprimanja obavještenja o rezultatima ovog postupka javne nabavke dokaze o ispunjenosti uslova kvalifikacije navedene u tenderskoj dokumentaciji.

III

Po pravosnažnosti ove Odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku, shodno zahtjevima-uslovima ugovornog organa navedenim u tenderskoj dokumentaciji i propisima koji regulišu postupke ugovaranja.

IV

Odluka se dostavlja ponuđačima u roku od tri dana, a najkasnije u roku od sedam dana od dana donošenja odluke. Odluka će biti objavljena na službenoj web stranici Vlade BPK Goražde (www.bok.go.ba -link Ministarstva za unutrašnje poslove Bosansko-podrinjskog kantona Goražde).

V

Ova Odluka stupa na snagu danom donošenja.

Obrazloženje

Uprava policije u sastavu Ministarstva za unutrašnje poslove BPK-a Goražde, provela je postupak javne nabavke drona sa termalnom kamerom i pratećom opremom putem konkurentskog zahtjeva za dostavljanje ponuda, u skladu sa Odlukom o pokretanju postupka broj: 07/I-11-5492/24, od 26.06.2024. godine gdje procijenjena vrijednost javne nabavke iznosi 8.547,00 KM bez PDV-a odnosno 10.000,00 KM sa PDV-om. Obavještenje o nabavci broj: 1430-7-1-23-3-8/24, od 23.08.2024. godine, objavljeno je na portalu javnih nabavki i u „Službenom glasniku BiH“ broj: 59/24.

Otvaranje ponuda izvršeno je u sjedištu Uprave policije u sastavu Ministarstva za unutrašnje poslove Bosansko-podrinjskog kantona Goražde dana 05.09.2024. godine u 11:10 sati, što je konstatovano u Zapisniku o otvaranju ponuda od dana 05.09.2024. godine, gdje je ustanovljeno sljedeće:

- zaprimljene su dvije ponude,
- jedna ponuda je blagovremeno zaprimljena,
- jedna ponuda je neblagovremeno zaprimljena.

Ponuda ponuđača, „DRINEX“ d.o.o. Goražde dostavljena je blagovremeno, na propisan način, uvezana i numerisana u skladu sa zahtjevima iz tenderske dokumentacije, dok je ponuda ponuđača „IMTEC“ d.o.o. Sarajevo dostavljena nakon isteka roka za dostavljanje ponuda (zaprimljena 05.09.2024. godine u 11:30 sati), te je kao zakašnjela neotvorena vraćena ponuđaču, bez odgode.

U Zapisniku o pregledu i ocjeni ponuda broj: 07/I-11-5492-5/24 od 05.09.2024. godine konstatovano je sljedeće:

- ponuđač „Drinex“ d.o.o. Goražde ponudio je cijenu u iznosu od 8.547,00 bez PDV-a, odnosno 9.999,99 sa PDV-om.

Nakon pregleda i ocjene ponuda Komisija je konstatovala da shodno rang listi prihvatljivih ponuda, a u skladu sa članom 4. stav (2) Pravilnika o uslovima i načinu korištenja e-aukcije („Službeni glasnik BiH“ broj 80/23), nisu stečeni uslovi za provođenje e-aukcije.

U skladu sa provedenim aktivnostima analize i ocjene prihvatljivih ponuda, ispunjenjem uslova traženih u tenderskoj dokumentaciji, sagledavanja ponude koja je kompletna i računski prihvatljiva, te u skladu sa kriterijem za dodjelu ugovora - najniža cijena, Komisija je jednoglasno dala preporuku policijskom komesaru Uprave policije u sastavu Ministarstva za unutrašnje poslove Bosansko-podrinjskog kantona Goražde, da postupi u skladu sa:

- članom 70. stav (1) i (3) Zakona o javnim nabavkama, odredbama Pravilnika o uslovima i načinu korištenja e-aukcije, a u vezi sa članom 69. stav (1) tačka a) Zakona o javnim nabavkama, te donese Odluku o dodjeli ugovora ponuđaču „DRINEX“ d.o.o. Goražde za nabavku drona sa termalnom kamerom i pratećom opremom sa ukupnom cijenom ponude u iznosu od 8.547,00 KM bez PDV-a. Ukoliko izabrani ponuđač iz tačke I ove Odluke ne postupi u skladu sa tačkom II ove Odluke ili propusti potpisati ugovor o nabavci, odnosno odbije zaključiti ugovor o nabavci pod uslovima propisanim tenderskom dokumentacijom i ponudom koju su dostavili, ugovorni organ će postupiti u skladu sa odredbama Zakona o javnim nabavkama.

Uvažavajući preporuku Komisije za javne nabavke, odlučeno je kao u dispozitivu ove Odluke.

PRAVNA POUKA:

Protiv ove odluke može se izjaviti žalba Uredu za razmatranje žalbi, putem Uprave policije Ministarstva za unutrašnje poslove BPK Goražde, u roku od 5 (pet) dana od dana prijema Odluke.

DOSTAVLJENO:

- 1., „Drinex“ d.o.o Goražde,
2. web stranca Vlade BPK Goražde (www.bok.go.ba -link Ministarstva za unutrašnje poslove Bosansko-podrinjskog kantona Goražde),
3. a/a.

